



## Notat

Dato: 31.01.2017  
Arkivsak: 2015/11453-66  
Saksbehandlar: adelan

---

**Til:** Hordaland fagskulestyre

---

**Frå:** Fylkesdirektør opplæring

---

### Stortingsmelding 9 (2016-2017) Fagfolk for fremtiden - Fagskuleutdanning

2. desember 2016 la regjeringa fram ei stortingsmelding for fagskuleutdanning. Meldinga tek sikte på å gje eit løft til fagskulesektoren både i høve til rammevilkår og status i samfunnet. Det er bestemt at fagskulane fortsatt skal liggja til det regionale nivået av di det er fylkeskommunane eller dei framtidige regionane som har dei beste føresetnadene til å kjenna arbeidslivet sitt kompetansebehov lokalt og regionalt. Vidare føreslår stortingsmeldinga viktige tiltak i høve til å styrkja kvaliteten, heve status, sørge for høvelege overgangar til UH-sektoren og betra finansiering.

Under vert dei mest sentrale forslaga i stortingsmeldinga summert opp, men meldinga kan lesast i sin heilskap her:

<https://www.regjeringen.no/contentassets/f34b56ba52454667a46049aa550b42bc/no/pdfs/stm201620170009000dddpdfs.pdf>

#### Styrka kvaliteten

- Det vert løyvd om lag 35 millionar i 2017 til kvalitetshevande tiltak som både offentlege og private fagskular kan søkja på.
- Det vert oppretta ein eigen kvalitetspris for fagskulane, slik som UH-sektoren har i dag.
- Det skal gjennomførast ei kartlegging av pedagogisk kompetanse blant lærarar i fagskulen (det er ikkje lovfesta krav til pedagogisk kompetanse i fagskulen i dag; det er den einskilde fagskule som definerer krav til pedagogisk kompetanse for egne tilsette).

#### Heva status

- Regjeringa vil gjera fagskulane meir attraktive for studentane ved å sørge for rett til:
  - o å søkja midlar til internasjonalisering
  - o medlemskap i ein studentsamskipnad (berre ved fagskular som ikkje har mindre enn 50 studentar)
- Fagskuleutdanningane skal inn i *Samordna opptak* og vera like synleg for søkjarar som anna høgare utdanning.

### Høvelege overgangar til UH-sektoren

- Regjeringa slår fast at fagskulen står, og skal fortsatt stå, på eigne bein – det skal ikkje vera naudsynt å ta vidare utdanning etter fagskule – men det skal opnast opp for betre høvelege overgangar frå fagskule til høgskule og universitet. Regjeringa vil vurdere etablering av partnerskap mellom høgskular eller mellom universitet og fagskular.
- Det vert føreslått at fagskulepoeng skiftar namn til studiepoeng. Dette gjev ikkje automatisk konvertering av fagskuleutdanning til anna høgare utdanning, men UH-sektoren må i større grad vurdere innpassing av fagskuleutdanning til bachelor-program og liknande.
- Det vert opna for at ei fagskuleutdanning kan vera 3 år i omfang. I dag er det ei øvre grense på 2 år. Dette er spesielt relevant for sertifikatbaserte utdanningar som til dømes maritim fagskuleutdanning.

### Finansiering

- Det vert føreslått ein finansieringsmodell som gjev ei grunnfinansiering i høve til studenttal, i tillegg til resultatbasert finansiering gjennom open ramme i høve til avlagte fagskulepoeng (studiepoeng). At den resultatbaserte finansieringa er i open ramme gjer at ein fagskule ikkje berre vert påskjønta relativt sett i høve til andre fagskular ved auka produksjon av fagskulepoeng, men at fagskulane får auka finansiering dersom dei sjølv gjer det betre.
- Finansieringa av fagskulesektoren vert lagt til staten, men fylkeskommunane får i oppgåve å fordele midlar i eige fylke, både til offentlege fagskular og private som kan ha rett på å søkja om offentlig finansiering. På bakgrunn av dette vil all offentlig finansiering samlast under éi ordning og ikkje fordelast over tre ulike finansieringsordningar som i dag.

I høve til endring i finansieringsordninga som nemnt over vil finansiering av fagskuleutdanning innan helse- og sosialfag verta endra. I dag er finansieringa til helsefaga i ei eiga ordning under Helsedirektoratet, men slik meldinga føreslår, vil dei ulike tilskotsordningane verta slått saman, og fylkeskommunane får i oppgåve å fordela midlar i eige fylket. 13.03.2013 handsama Fylkestinget sak 5/13 om Fagskolane i Hordaland i samband med skulebruksplanen, og følgjande vedtak vart fatta:

*«Fylkestinget vedtek ei administrativ samanslåing av fagskolane i Hordaland, til ein administrasjon for helsefagskolen og ein felles administrasjon for dei tekniske og maritime fagskolane. Fagskoletilboda vil framleis vere desentraliserte.*

*Vert finansieringsordninga på helsefag endra, vil fylkestinget vurdere å leggje alle fagskolane under ein administrasjon.»*

Første del av vedtaket er som kjent gjennomført, medan det ikkje er teke stilling til andre del enda, og styret for fagskulane må ta stilling til vidare handsaming av vedtaket.

### **Politiske prosessar i samband med stortingsmeldinga**

Sak om utfordringar og moglegheiter for fagskulane vert handsama i Fylkestinget 07.03.2017, og her følgjer lenke til saksutkastet:

<http://einnsyn.hfk.no/eInnsyn/DmbHandling/ShowDmbHandlingDocument?dmbId=8971&caseType=CasesFremlegg&registryEntryId=321367>

Sak med innspel til stortingsmeldinga vert handsama i Fylkesutvalet 22.02.2017, og her følgjer lenke til saksutkast:

<http://einnsyn.hfk.no/eInnsyn/DmbHandling/ShowDmbHandlingDocument?dmbId=9136&caseType=CasesFremlegg&registryEntryId=336856>